



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBBOJSKI KANTON
OPĆINA TEŠANJ
Općinska izborna komisija**

Broj: 01-1/21

Datum: 05.01.2021.godine

Na osnovu člana 15. Poslovnika o radu OIK Tešanj, broj: 01-12/16 od 09.06.2016. godine, te Zaključka OV Tešanj, broj: 01-24-5-135-2/19 od 01.02.2019. godine, Općinska izborna komisija Tešanj na svojoj sjednici održanoj dana 05.01.2021. godine, d o n o s i

PREDMET: Izvještaj o radu OIK Tešanj za period 01.01.-31.12.2020. godine,

I NADLEŽNOST OIK Tešanj (Izborni zakon BiH čl. 2.13) je slijedeća

1. osigurava da sve kandidatske liste za općinsko vijeće budu sastavljene u skladu sa Izbornim zakonom BiH i dostavlja ih na odobrenje Izbornoj komisiji BiH;
2. nadgleda rad općinskih organa u procesu provedbe izbora, a osobito proces registracije birača;
3. određuje biračka mjesta na području općine za glasanje na svim nivoima vlasti u BiH;
4. imenuje i obučava članove biračkih odbora;
5. brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini;
6. obavještava birače o svim informacijama neophodnim za provedbu izbora, u skladu sa propisima Izborne komisije Bosne i Hercegovine;
7. odgovorna je za uređenje biračkog mesta i druge tehničke pripreme za izbore;
8. odgovorna je za pravilno brojanje glasačkih listića na biračkim mjestima i u općinskim centrima za brojanje;
9. objedinjuje rezultate izbora sa svih biračkih mesta u Općini, posebno za svaki organ za koji je vršen izbor, i dostavlja ih Izbornoj komisiji Bosne i Hercegovine i
10. obavlja druge poslove u skladu sa zakonom i propisima Izborne komisije Bosne i Hercegovine.

Aktivnosti Centra za Birački spisak Općine Tešanj

- provjera funkcionalnosti veza prema CIK I CIPS-u – svakodnevno,
- sedmični izvještaji CIK-u – svake sedmice,
- preuzimanje e-mail pošte pristigne internom e-mail vezom sa CIK (obrada, dostava OIK, dostava odgovora itd.) - po potrebi,
- praćenje i ažuriranje Biračkog spiska – svakodnevno,
- priprema podataka vezanih za Birački spisak,
- provjera ispravnosti uređaja i opreme Centra i otklanjanje nedostataka sa IT administratorima.
- drugi poslovi i zadaci na zahtjev CIK BiH i OIK Tešanj.

II RADNI DIO

OIK Tešanj je imenovana od strane OV Tešanj u sastavu: Kanita Gredelj, Smajo Ćeman, Ivan Duvnjak, Muamer Omahić i Adina Kotorić.

Ako se imaju u vidu nadležnosti izbornih komisija onda se može uočiti činjenica da su osnovne aktivnosti pretežno vezane za izbornu godinu i sam izborni proces.

U skladu s članom 5. Uputstva o načinu rada i izvještavanju izborne komisije osnovne izborne jedinice u BiH, izborne komisije su obavezne do 31.01. tekuće godine dostaviti Centralnoj izbirnoj komisiji BiH izvještaj o radu za prethodnu godinu, i mjesечно izvještavati CIK BiH na propisanom obrascu (MIOROIJ).

S tim u vezi, OIK Tešanj je u izvještajnom periodu pripremila i proslijedila Centralnoj izbornoj komisiji BiH:

1. Statistički podaci o BO u 2020. godini, uključujući popunu tabele u prilogu,
2. Izvještaj o radu za 2019. godinu, uključujući radni i finansijski dio, te popunu tabele u prilogu (finansijski dio, te rad Centra za birački spisak),
3. 10 mjesecnih izvještaja na propisanom obrascu (MIOROIJ),
4. 2 kvartalna izvještaja o radu za period 01.01.-30.06.2020. godine,
5. U pripremi je godišnji Izvještaj za 2020. godinu.

U periodu izvještavanja OIK Tešanj je održala ukupno 28 sjednica te pripremila Zapisnike sa održavanja istih. Nije bilo kršenja Poslovnika o radu, na sjednicama su prisustvovali svi članovi, a sve odluke su donošene jednoglasno. Imajući u vidu epidemiološku situaciju u BiH, te proglašenje vanrednog stanja, OIK Tešanj se prilagodila novonastaloj situaciji te su u izvještajnom periodu održane i 3 sjednice on-line.

Tokom izvještajnog perioda OIK Tešanj je donijela 15 Odluka te druge akte u okviru svoje nadležnosti (rješenja, odgovori, podaci, dopisi, zahtjevi, oglasi, izvještaji...).

OIK Tešanj je u okviru svoje nadležnosti vršila sljedeće poslove i aktivnosti:

- Priprema i realizacija svih aktivnosti na provođenju Lokalnih izbora 2020. godine koje su u rokovima u potpunosti realizovane (izvršeno je imenovanje BO u roku, nakon provjere i završene obuke donesena rješenja sa izmjenama, u roku je izvršena obuka članova i zamjenika u skladu s Planom obuke, koju su osim članova OIK vršili i certifikovani treneri kako bi BO bili kvalitetno obučeni za rad);
- OIK je pravovremeno informisala birače putem medija, web stranice, oglasnih ploča i plakata o toku izbornih aktivnosti, izlaganju izvoda iz CBS, određivanju lokacija BM, načinu provjere podataka o glasanju isl);
- OIK Tešanj je putem svojih timova na izborni dan vršila obilaske svih biračkih mjesta, putem svojih timova u kasnim večernjim satima završila prijem izbornog materijala od strane BO, te izvršila unos izbornih rezultata u JIIS aplikaciju u jutarnjim satima, a originalni obrasci sa biračkih mjesta su u roku 16.11.2020. godine dostavljeni CIK BiH;
- Nije bilo ponovnog otvaranja vreća i brojanja u cilju pravilnog objedinjavanja rezultata, niti je OIK Tešanj zaprimila pismene prigovore političkih subjekata na aktivnosti vezane za izborni dan,
- vršene su i ostale aktivnosti: izrada certifikata i akreditacija, priprema spiskova i naloga za isplatu članovima BO, saradnja sa političkim subjektima, imenovanje timova idr.),
- koordiniranje aktivnosti sa CIK BiH za potrebe provođenja Lokalnih izbora 2020. godine (odgovori, podaci, dopisi, izvještaji i drugi akti). OIK Tešanj je imao svu potrebnu podršku tokom izbornog procesa od strane CIK BiH, a naročito na dan izbora, nije bilo problema u saradnji, a bila je pružena tehnička i druga podrška);
- vođenje arhive i ostali poslovi

OIK Tešanj je ispoštovala sve higijensko epidemiološke mjere tokom obuke BO i na izborni dan, te uz finansijsku podršku Općine Tešanj obezbijeđena su i materijalno tehnička sredstva za rad BO (sredstva za dezinfekciju i dezbarijere, sapuni, maske za lice, rukavice, viziri, mjerjenje temperature u saradnji sa školama, samoljepljive trake za odstojanja idr.), a sve u skladu s Instrukcijom CIK BiH o postupanju organa za provođenje izbora na izborni dan u uslovima epidemije Covid-19- ("Sl. Glasnik BiH", broj: 41/20).

Nije bilo pojave masovnog odustajanja članova BO, te nismo imali problema u angažovanju novih. Popune novih članova i zamjenika članova BO su vršene sa Rezervne liste dostavljene od strane političkih subjekata i OIK.

Imajući u vidu da je biračima koji su pozitivni na COVID-19 i biračima kojima je određena izolacija Prema pravilniku o provođenju izbora u BIH, omogućeno glasanje putem posebnog mobilnog tima, OIK Tešanj je realizovala sve propisane aktivnosti, kako bi se ispoštovale zakonske odredbe.

Izvršena je analiza rada OIK Tešanj o provedenim Lokalnim izborima u 2020. godini, sagledani problemi i poteškoće u provođenju izbora, te identifikovane prednosti i nedostaci u smislu primjene Izbornog zakona BiH.

Nakon analize izvršavanja planiranih i zakonom propisanih aktivnosti može se zaključiti da su sve aktivnosti na provođenju izbora uspješno realizovane, prije svega uz puni angažman članova OIK-a,

uz podršku općinskih i drugih relevantnih organa, te osoba uključenih u izborni proces, što je imalo za rezultat uspješno realizovane izbore, bez primjedbi na rad članova OIK-a, niti sankcionisanja od strane Centralne izborne komisije BiH na području osnovne izborne jedinice Tešanj.

U izvještajnom periodu Općinska izborna komisija Tešanj je uzela obavezno aktivno učešće u radu edukacija, kako slijedi:

- Obavezna on-line edukacija putem Zoom platforme za video-komunikaciju. Edukacija je trajala dva dana, od 10-11.06.2020.godine. OIK Tešanj je izvršila pripremne aktivnosti kako bi se omogućilo neometano praćenje iste. On-line edukaciji su prisustvovali svi članovi OIK Tešanj i Rukovodilac CBS,
- Obavezna on-line edukacija putem Zoom platforme za video-komunikaciju, sa temom izbornih aktivnosti. Edukacija je održana 03.11.2020.godine,
- On-line edukacija uz prezentaciju za nove članove, na kojoj je prisustvovao i član OIK Tešanj.

OIK Tešanj je pristupila ažuriranju web stranice OIK-a unutar web stranice Općine Tešanj. Nakon redizajna nove web stranice pristupilo se ažuriranju adresara članova OIK Tešanj te postavljanju akata.

Redovno se ažuriraju, vode i kontrolisu evidencije, vodi arhiva i ostali poslovi iz djelokruga rada izborne komisije te ostvaruje saradnja sa Općinskim načelnikom, službama, političkim i drugim subjektima koji imaju dodira sa radom OIK-a.

Pripremljen je Finansijski Plan za 2020. godinu ujedno i izbornu, uz planiranje svih aktivnosti za realizaciju provođenja lokalnih izbora (naknade za biračke odbore, medijsko oglašavanje, zakup i obezbeđenje prostora, uređenje biračkih mjesta, angažiranje potrebnog ljudstva i logističke opreme, te ostali troškovi za uspješno provođenje lokalnih izbora).

U saradnji sa matičnim uredima pri Općini Tešanj kontinuirano se pribavljaju podaci o umrlim osobama u svrhu ažuriranja biračkih spiskova.

S tim u vezi, na traženje CIK BiH, te dostavljenog spiska osoba sa prebivalištem na području općine Tešanj koje su navršile 100 i više godina, a nalaze se na Centralnom biračkom spisku, izvršena je provjera i ažuriranje istih u saradnji sa matičnim uredom i koordinatorom Centra za birački spisak Općine Tešanj.

Putem Centra za birački spisak ostvaruje se svakodnevna elektronska komunikacija sa Centralnom izbornom komisijom BiH, prilikom koje se sve tražene informacije, akti te drugi podaci dostavljaju na njihov zahtjev i pravovremeno.

III FINANSIJSKI DIO

Sredstva za izbornu 2020. godinu su obezbijeđena u budžetu Općine, u skladu sa zahtjevom OIK Tešanj. U budžetskoj stavci za 2020. godinu planirano je 97.160,00 KM za provođenje lokalnih izbora a troškovi se odnose na: naknadu biračkih odbora, naknadu OIK, medijsko oglašavanje, obezbeđenje prostorija za potrebe biračkih mjesta, uređenje biračkih mjesta, obezbeđenje materijalno-tehničkih sredstava kako bi se ispoštovale higijensko-epidemiološke mjere, angažovanje ljudstva, logistička oprema idr.

Naknade članovima biračkih odbora za provođenje Lokalnih izbora 2020. godine za izbornu jedinicu Tešanj isplaćene su u sljedećim iznosima:

1.Ukupan iznos neto naknada članovima BO iznosi 37.940,00 KM. Neto naknade članovima BO isplaćene su na bankovne račune, a članovima koji nisu dostavili svoje bankovne račune, isplata će se vršiti po dostavljanju računa.

U skladu sa članom 2.12 stav 9 Izbornog zakona BiH visinu naknade članovima OIK-a utvrđuje Centralna izborna komisija BiH svojim propisom. Odlukom Centralne izborne komisije BiH, broj: 05-1-07-1-407-5/16 od 28.04.2016. godine članovima OIK je utvrđena stalna mjesecna naknada u neizbornom i izbornom periodu.

IV CENTAR ZA BIRAČKI SPISAK

Za Rukovodioca Centra za birački spisak Tešanj (CBS) Općina Tešanj je imenovala Ibrahimkadić Zahira.

Aktivnosti CBS tokom izvještajnog perioda su slijedeće:

- uređivanje CBS-a – uređenje biračkih mjesta – ne smiju prelaziti 1000 birača
- pridruživanje nepridruženih birača odovarajućim MB (nove ulice itd.)
- dva puta izvršena podpodjela BM (samo BM koja su podjeljena na A,B,C ili D)
- davanje informacija biračima gdje trebaju glasati po biračkom spisku na dan izbora itd.
- provjera za ukupno 369 umrla lica da li se i dalje vode na Centralnom biračkom spisku
- dostavljeno je 52 izvještaja CBS (svaki ponedeljak) Centralnoj izbornoj komisiji BiH,
- prati se i vrši primopredaja e-mail pošte između CIK BiH i OIK Tešanj, permanentno
- biračima su (po potrebi) date dodatne informacije i pojašnjjenja vezano za Birački spisak.

DOSTAVLJENO:

1. Općinsko vijeće Tešanj,
2. Arhiva.

